

大清光緒十四年

本館新聞除禮拜外日出一  
紙 諸君賜閱本報者無論  
本埠外埠均可函致本館取  
閱如外埠閱報照加寄費可  
也除日報照常刊送外復不  
惜工本從英國採辦釘書裁  
紙各機器以待與 各官商  
刊印書籍單件並有英國各  
種活字及各式花邊等延有  
西人操印工藝甚精所有中  
西文字均能刷印並有石版  
印字大小機器均用精工刷

第一千九百二十號

# 申報

本館開設在舊巴口門牌第十四號

印工緻絕倫前延有文士書  
寫各體文字現由上海購到  
各種書籍出售其書目另行  
刊佈所有各項價甚相宜再  
本館所登來札原擇其有關  
世道人心者附錄不亦須無  
礙於人而後始錄其有謬屬  
成文以及支離辭解者概不  
登報嗣後 諸君來札尚祈  
自諒更須寫實里而後敢  
登但來稿登與不登均不能  
將原稿收回也 本館謹白

戊子三月初十日

凡報者每月一元每日每張五仙 (大英一千八百八十八年四月二十二號禮拜五) 凡印告白第一日每一字一仙第二日以下每字半仙

寄報聲明 ○啟者本報所出報紙其價係按年而算而半年開單一次須取報費此與零沽者有  
所不同近見外埠諸君取閱本報者或有僅一二月之久即為止截其更有取巧者取閱本報迨屆半年開  
單往收報價之時則竟託詞謂已改函本報着為停寄何以復送前來緣是取閱報費殊堪痛恨竊思  
本館之報原期大眾同觀事之濟否不在一人倘不欲賜觀即以一面投書本館斷無有不為之止截豈有  
強人看閱之理則此言之詐可知茲特聲明尚 諸君止看本報者必須由國家信館寄功投之本館  
始為准信倘本館未接來函而為派送則不妨再為示教至於取閱報紙必須至一年半年方能止截否即  
作為零沽當按價索償勿謂言之不預也特此聲明  
本館謹白

### 書禁賭新章後

本坡國家近來議定禁賭新章昨已登錄報中查其所聲明示禁者有四條曰花會曰圍姓曰白鴿票曰呂  
宋票此四者實貽害最深故不得不嚴為之禁也夫近來賭博之門亦夥矣如翻攤如牌九如寶字如十二  
枝如四色牌以及林牌擲骰之類莫不可以為蒼生害然究不如花會圍姓白鴿票呂宋票為害之深蓋諸  
凡賭博無不須親身赴局而後可博輸贏不赴博場則無由入局是以雖云貽害然尚不至災遍閭閻蓋婦  
孺者流則無從赴局即有稍知自愛者為顧聲名則又不便赴局然則其害人也猶少若夫花會等則無須  
自行入局僅憑一紙即可命人投買且有收賭之人每日踵門陳說某字佳某字劣口講手畫盛飾其說以  
動人之貪心以故無知之流皆欣然投買多寡不一多而千數百元少即一二鋪亦可投賭以收股商巨賈  
下而逮至孺子婦人亦均無不甘之如飴然則其累人於無形中者不知凡幾每每有賭敗計窮以致倒盤  
歇業者有之墮品壞行有之甚即捨其性命以殉賭場者亦無不有之大抵婦孺者流毫無知識常因賭  
敗以致諸物皆歸質庫空餘素手實無以見夫男以故常至短見自尋戕其性命而不顧噫此無他則亦賭  
之為累耳其更有不肖婦女因賭投花會白鴿票等項以至資財為之空乏甚即其夫所給之首飾等物典  
質一空恐為夫所查知則深為不便由是則竟以其身為生財之路冥冥中遂作浮賤所為喪德行敗門風  
莫此為甚然亦因賭之一端所以至此耳嗟乎誠如是也其可以不不禁乎哉雖然其賭則詭秘其常究有難  
於查捕者如花會白鴿票等則開無定處早夜開票之地亦有不同則甚不易稽查其收票也多命婦人稚  
子等為之甚即用及吉甯拉油籍之人令人不留意為之察覺其開票也亦無定處且無單據先約定收  
票者在某處地方預候未幾而開票者至若為過路也者因而瞻顧見巡差不在即報稱某字語畢即行其  
詭秘之端類皆如虛實令人無從捉摸若非其局內之人為之引捕則勢不能如是也以花會白鴿票等賭博  
鮮有為官所獲者則其秘可知矣至於圍姓則概非在坡開設蓋設賭諸人已知本坡賭禁之嚴無從  
開設即先在附近本坡之埠設立總館如柔佛如檳城如暹羅如吉里文如峇株巴葛各處地方居然榜門  
大開圍姓其地若設有賭碼者則略繳以稅餉由是恃而無恐命人在叻四處收取圍姓諸人復紛紛投買  
以至舉國若狂此事雖官長已微有所聞但其總館非開設於本坡未能越境而施以禁條故竟無從過問  
也至若呂宋票前者係緣各國體郵小呂宋之貧苦致任其發售此則無待言但今概將以上各項一概嚴  
禁回為造福於蒼生然禁賭之例本報既已聞之至於禁賭之法則仍未能得而知悉也蓋此種賭博頗難  
禁絕必須設善法而後可期無弊因記去年西報曾有謂投賭者若能獲彩自不必言若賭而輸則可將  
其票據交於衙由官為之代取而前月又聞國家已議定於山園別墅均派一英差往與協同理事云云  
但未審此議其已行耶抑難託於空言者耶然今賭禁既頒諒賢有司必有以善為之處者也爰記而論之  
以規其後

### 諭旨恭錄

○二月二十七日軍機大臣面奉 諭旨所有此次京察一等交軍機處記名各員着  
自本月十九日起按照名次先後每日二員於寅刻赴乾清門伺候召見如本日未經召見及遇外膳日期  
是日應行召見之員着於次日寅刻赴乾清門伺候召見其餘各員以次遞推其記名之內務府郎中蘇秀  
等十五員着俟各部院衙門人員召見完竣後於次日起接續伺候召見欽此同日奉 上諭巡視東城御  
史本貴等奏遵保拿獲匪徒之官弁紳董暨上年保案改獎各摺片着該部議奏單片併發欽此同日奉

十九日奉 上諭浙江湖州府知府員缺着錫光補授欽此○二十日奉 硃筆龍瀛轉補翰林院侍讀學士徐會澧補授翰林院侍講學士欽此○廿四日奉 硃筆黃卓元補授司馬局洗馬欽此

英京電音 ○初六日英京發來電報云埃省人員阿勿連現再為英廷所捕因該員在羅里也地方宣諭有違新定聚眾宣講之律以故被獲而英廷復出票欲捕埃員里蘭訊辦因里蘭於去月廿七日衆宜講有違法律以故欲行拘捕現納武隣地方差役常在里蘭寓所前後審為酌緝欲同其出而執之云

德京電音 ○初七日德京發來電報云現德皇之病發熱惡寒甚為重劇現宗室人等已聚集內宮觀此病情殊為凶險現在皇太子已奉命暫攝國政情形若此深可為憂也

稽察銅鑼 ○前者本坡國家會經出有示諭北慕娘及實勝越等處地方所用之鑼概不准在叻中行用不意近有奸商等常帶該處之鑼行於叻市蓋因其錢價較功為廉也現在船政司查知其故因飭稽察進口輪船人役凡有輪船由北慕娘及實勝越地方來叻者即當查詢司舟及華人船主該船否有錢鑼載至如有此物不許登岸以截其源庶免彼細此盈市面為之累及云

時症又見 ○西報載叻地近來日久亢晴天氣甚熱故時症已疊有所聞牛車水差館前有某甲於初五夜忽患吐瀉之疾逾時即斃翌日復有患者亦已頻劇其生死尚未可知至於所患之症皆為吐瀉云其言若此竊按此種時疫之作已約周月之久去月本報曾作論以紀之不意時症流行今猶未已亦深可為斯民慮矣

賭案錄登 ○初六晚本坡巡捕西差利直率同巡差等至甘公峇某屋中緝賭查該屋所博者係十二枝及寶字等局該差到時有二入守門差乃先將其執獲入室搜捕共獲有十一人年約有二十人由屋後逃去翌日將諸人解送府堂審訊嗣經太守訊定首犯係為屋主判罰銀二百五十元無銀監禁三個月守門兩犯判各銀五十元無銀監禁一月餘犯係為赴賭判各罰銀五元無銀監禁七日至於賭犯中有一人係為烟公司之巡丁當審訊時曾供稱因吞探私烟以至於此云云証據毫無爭辯得而信也

禁賭新章 ○本年國家所定禁賭新章前經粵督於報茲得國家所譯此之華文全稿實於華人有關爰照其原稿錄登報中以供衆覽 照得 皇家現已設定禁賭新律將於英一千八百八十八年五月一號即庚戌子年三月廿一日舉行茲將要略詳列於左俾衆咸知汝其凜凜毋違 一凡屋宇店舖房舍以及一應亭臺樓閣園坵船隻車輛等等若有在內開設賭局者色人等均可以進去亦係賭館有犯國法再開賭不論多次少次縱開一次亦作賭館 一凡屋宇店舖房舍以及會館等等如係在內常開賭局者不論諸色人等可以進去亦係賭館有犯國法

一凡人如敢將自己房屋或自己居住之房屋開設賭館抑或允准別人在內開設賭館均可罰銀至三千員或罰囚監至一年 一凡人或司理或兼理賭館之事以及花會圍姓白鴿票呂宋票等類亦可罰銀至三千員或罰囚監至一年 一凡人收接買花會圍姓白鴿票呂宋票等某處有賭館花會等類或邀人赴賭館賭博買花會等類均可罰銀至三千員或罰囚監至一年 一凡人如犯以上各罪至第二次者除罰之外另可命其覓保人 二名保其一年不再犯事 一凡人給發本錢與別人開設賭館或花會圍姓白鴿票呂宋票等類亦可罰銀至三千員或罰囚監一年 一凡人在賭館內賭博者可罰銀式十五員 一凡在賭館內搜出之人以及於皇家紳士或玻璃官差到館查搜之時由館內逃出之人均作在場賭博而論如果非在內賭博者則必須有証據方可開釋 一凡人買花會圍姓白鴿票呂宋票等類亦可罰銀二十員 一凡人在其身 搜出有花會圍姓白鴿票呂宋票等類即作買花會等而論如果非買者則必須有証據方可開釋 一玻璃官役若見有花會圍姓白鴿票呂宋票等類須立即拿獲歸公 一凡遇賭棍以及以賭為業之人如非牛長英地者則 督憲及議政局查明之後可能將其人驅逐出境不准復到三州府 一玻璃總巡捕若探聞某間屋內面一應筒噶噶均與常不同或係為開賭而設者則可即州票通知屋主以及稅房該屋之人倘或不知誰是屋主及稅屋之人者則可將票黏帖於該屋眾目共見之處 一嗣後或有皇家紳士玻璃官差等往該屋查搜如甘開陳設仍在屋內並未拆毀者即作屋主縱容別人在屋內開設賭館 一凡稅屋之人接察之後須即報知屋主或二手屋主倘有不報者可罰銀一百員 一凡遇兩人以上為違犯此律被拿到官者審事官可命一二入轉做原告証人如有不肯發誓或不答官府所問之話者可罰之至若肯將實情盡行吐露者則審事官自當賜回保單一張日後倘有挾仇誣告等事可以藉單保護 一凡違犯此律被拿到官均准將其口詞斷明 一凡遇幼童違犯此律審事官可命將該童鞭辱十下以代監禁

豺狼當道 ○初七夜蓮漏已深有二粵婦不知家寓何處緣赴牛車水梨園園觀劇罷而返詎道經芳林園邊該處僻人稀燈光掩映忽有一匪徒從樹下而發突近婦前即槍一婦之金耳環一對驟然而遁二婦徬徨呼捕無奈該處之差察至徒有目送匪颺而已二婦不得己狼狽而返云



新張佈告 ○啟者現余自行開創洋行一間在麻六甲街第五號門牌自任生理兼與諸君代辦歐洲貨物其字號曰買也公司 諸君賜顧請移 玉重臨是荷  
大英一千八百八十八年三月二十號 買也買也啟



英國新出頂上花露水出售 ○啟者本公司所製之花露水及高浪水最為佳製其香之清而且久非尋常可及素已馳譽歐洲用此水者莫不噴噴稱爲妙品歷經荷領寶星七次以獎其佳然則其妙處可知茲欲廣爲通流故特佈告倘 諸君有欲採辦者祈請函致本公司取討價單便知一切特此佈 聞  
大英一千八百八十八年四月廿五號 加刺安巴馬厘公司謹啟

線 轆 出 售




啟者本行專辦英國督拿士布碌機房各色上等棉線轆發客此線轆與線球不同線身光滑滑於縫衣脚車手車甚爲合用每個足長一百碼價甚相宜官會經呈請英國考驗幸蒙贊賞并賜金錢羊頭號標爲記本行因此線雖入已盛行外國惟亞洲一帶向恐未有周知故特辦此東來俾得利便中華之用 諸君用始知余語之非虛 貴客光顧請認羊頭號標牌爲記  
庶免有誤 大英一千八百八十七年十一月三號  
香港希士洋行 新嘉坡代人明馬也公司謹啟

酒 出 賣

三 啟者本行督辦歐洲馳名三品洋酒來叻發售其酒係白頭款式發售有年沽飲 諸君莫不稱其香美奈近有無恥之徒假冒本庄三品酒款式以圖魚目混珠殊情殊可恨嗣後 諸君若買本行White Seal Champagne牌之內有小紙包頭註華字號若此字樣即係假冒請爲細認特此佈 聞  
大英一千八百八十五年十二月十九號  
大清光緒十一年 月 日 明馬也公司謹啟

活 侯 亞 士 堅 公 司 告 白



啟者本公司向來開設本坡久爲中西 商翁所賞識茲承英京未汝公司之命託本公司爲該公司駐叻代售機器之人本公司既受所託不得不代爲力肩鉅任將該公司辦事之誠製造之美以及貨物之多盡舉以告海內 諸商翁知悉緣該公司向來開設英京歷久無異素爲英國人所賞識不特爲英國人所賞識又爲鄰國人所賞識亦符爲鄰國人所賞識且爲天下各國人所賞識蓋因該公司立心持平交遊盡善物料既美製作更精所以能邀美譽於本國鄰國及天下各國者皆爲此也現計該公司所製之器械甚多筆墨難以盡述更僕不可勝數非親至該公司目擊斷不能備詳所見茲不過略舉其大概言之亦存什一於千百中之意耳至該公司現經運到本公司存貯代售其中件數堆積如山邱不可枚舉茲因篇幅太狹不能盡錄以備諸商翁商電擇其要而通行者略登數端以爲 諸君採擇焉如水厚水筒皮帶等其價較別家稍爲相宜貨而亦視別家爲特妙請 諸君移玉到本公司一觀真有所聞未盡所見之概不啻遊山陰中道令人接應不暇矣至於本公司又有製造做大薯之機器以及水屏等冬機器亦是名目太多不能備列詳此奉告尚祈實然賜顧爲慰現本廠已遷至工部局貨倉左鄰近復分枝一廠在吉隆坡仙四師爺宮後大馬路至下巴雙河邊橋頭右邊開張以便吉隆 諸君選沽機器以及修理機器等事 諸君光臨請移玉趾是荷  
大英一千八百八十七年十一月九號 活侯亞士堅公司謹啟

新 款 歐 洲 馬 車 鞍 轡 等 件 出 售

啟者本馬車房自一千八百六十二年開設在小東陵大路邊迄今二十餘年素蒙 諸君惠顧遐邇馳名本車房專代 諸君製造各款馬車無論四輪雙輪大小明暗各車 能製造所用物料均係上等而抹漆畫線亦皆精妙異常其木料均係選用上等美材且皆預買放乾然後製造故無裂綻變樣之病是則不惟悅目且耐用與平常所售者不同倘 諸君有命本車房製造各車者懇即惠臨務能如意而本車房并有經用之馬車出售雖曾用過然再加修飾與新製者無殊其車則四輪雙輪大小款式無不備有以便諸君選購更可代 諸君修理一切車輛物料概由歐洲預辦充足無須臨時購買故修理甚捷可以剋期告竣且價甚相宜倘 諸君有惠顧者其在本坡則可至本車房面商其在外埠則可函知本車房自能備辦并有各車目錄列明以便選購而本車房復有鞍轡等件出售有服車者有乘坐者其中大小雙單各款俱全此鞍轡均由歐洲督辦來坡倘 諸君欲更往歐洲購者本車房亦可爲之代辦並能相其馬匹大小配以鞍轡務令合宜即修理舊馬鞍使之重新亦無不可至本車房前有樹乳之踏足墊出售此墊可任剪裁大小均由尊意 諸君購始知其貨之精也 再本車房因生理日益加增而工件每思不敷茲更欲廣延各匠以司其事如鑄鐵造木油漆畫線及皮工等類倘有工藝超羣者可即前來相商果能合用自必不惜重酬勞如欲知其詳細情形者可至本車房細詢便得特此佈聞  
大英一千八百八十八年四月十四號 南末兄弟車房司理人麥吉利 啟

偷盜候緝 ○牛車水新街技娼樓有一妓婦蔡亞柳日前數日赴護衛司畢公案前控告毛徒李亞鐘等五人持眾欺弱強索槍傷等因據謂該匪等知其欲遷至長泰街新月和寮復充娼妓之匪等陋規向以凡被搬遷者入必帶取英銀二元治準其重遷各物而去否則即留行李化匪等之強索如是也第該妓此次之遷而李等率其黨眾強索英銀十元該妓以乏餘貨僅與三元而李等不滿其意故俟其搬遷各物則掠其時鐘一具而去以故將情赴訊業經畢公飭其書記及暗差等隨妓回緝乃拘李逮案餘四匪現已在逃未獲請案究辦此後未知何如耳

沸湯傷斃 ○牛車水新街彩鳳勾欄之鴉曾醜一孫年僅八齡賦性頑強嗜愛之視如掌上明珠於初六日不知緣何失於顧後該孫遂為沸湯所傷爛額焦頭幾若膚脫完處負痛呻吟氣息奄奄奄奄難延遂端該鴉請醫救治無奈所傷過重妙藥難求至初八日奄然就斃以故報案請驗嗣經公差到驗以該屍遍一鱗傷防有他虞因將該屍解至西醫院以候剖驗云

歸去龍宮 ○人生與世周旋先貴自立收發奮有為天下事固無難處之境也否則至無地自容始吾從前之惡倘改過從善亡羊補牢計殊非晚善惡轉機猶易事耳乃有不克自存甘為暴棄遂以窮途之苦樂境難維昂藏七尺之軀捐於巨浸洪濤之下則其溘離可憫也而其人實可非也振作有為但觀晚節九原有知豈不畏人笑拙哉觀某新客之溺斃一節不亦令人警其非哉某新客粵籍人椿萱猶榮席豐履厚而不務生業揮霍恣情因惡關頭甘為困跡以故耗費蕩產用如坭沙不肖之愆罪無可道近為椿萱察覺屏於門外是以暴斃財加意防守而某阮需羞澀用度不得自如如以口腹累人幾致齟齬吳市然而惡作於前不克善後於後幸見江東與懷南交故於前數日在港鬻其身於某新客館中某客頭榜之南來於初六夜該航已抵叻矣然而丈夫貴有為耳倘知艱難迅奮後交惡境無限奇逢乃某不克自立思昔往之歡悵不甘此時之酸楚恥為人役竟與河伯為徒乃於是夜船上諸人均皆熟睡某與客頭略談苦况潛至船傍客頭弗察而某竟挺身躍入江心竟向龍宮需去客頭覺後然已拯溺無從聞至今該屍猶未漂浮水面不知隨流何處是豈身葬魚腹者耶未可知也噫千金之子不死於道路而某何暴棄之太甚耶

閱視炮臺 ○福州長門劉鐵金牌岸石射馬閩安南北岸各處炮臺經楊制軍飭令各營官督造現已告竣楊制軍與善將軍遂定於本月初九日閱視炮臺總理立字營務處與海樓觀察總領恪靖營務處劉康侯觀察隨節偕行是日黎明由大橋下揚帆各憲均自帶廚夫伺候兩艦循例僱船船務各呼為進水菜均却不受以示體卹午刻到馬江新授制軍大臣裴星使率所屬衛隊迎接碼頭鳴炮為禮各憲在船政署晤談良久昇晚仍各回官船住宿初十早乘潮直抵長門裴星使亦在座統領長門各營曹仁祥軍門全各營官暨隊迎接旌旗蔽日炮聲震天十分熱鬧各憲會舟登陸親詣統領大營順閱各炮臺金牌礮石炮臺係戴軍門所造堅固無比尤據形勢各考大加歎賞十一早赴岸石炮臺閱視良久即回泊閩安統帶恪靖炮隊正副兩營駐紮南北岸炮臺鐘祥開軍門親自中接各憲緩步進營見所造炮臺工堅料實安置炮位開掘暗道井井有條炮臺旁買民團數十項藉種菜蔬以充軍食炮臺內有池有亭雜以荔枝桑竹之屬以數千計一八其中別有風致去臺里許有亭翼然暨德政牌於其上因軍門去年操防之暇見該處海濤千百丈崩壞已久鄉人無力重修曾派勇數百名竭力築造告竣之後數十鄉生靈深感甘德因勒石以頌德時陸路提督孫庚堂水師提督彭紀南兩軍門亦乘輪到閩閱視炮臺後順途由馬抵省是夜三鼓晉城各回公署城中文武百官皆出城迎接極形熱鬧

鐵艦分數 ○英京日報云今若取歐洲諸大國中所有各式鐵甲船總作一百分而論英國得十九分法國有十六分俄國有十分德國有六分意大利國有五分半土耳其奇國得五分奧國得三分半若以每點鐘能行十六英里以上之鐵甲船作一百分而論英國有五十四分俄國得十分意國得二十一分奧國得二分半法德十耳奇三國俱無又以每點鐘能行十二三四五英里之鐵甲船作一百分而論英國有二十五分法國有二十六分俄國有十一分半意國有八分半意大利國有三分土耳其奇國有五分奧國有五分半即此可知歐洲諸大國鐵甲戰船之約數矣

京報選錄 ○頭品頂戴浙江巡撫臣衛榮光跪 奏為揀員調補省會要缺知府以資治理恭摺具奏仰祈 聖鑒事竊查杭州府知府吳世榮開缺以道員候補光緒十二年七月十三日奉 上諭浙江杭州府知府員缺緊要着該督撫於通省知府內揀員調補所遺員缺着嚴良補授欽此欽遵在案查銓選章程內開首府首缺出於通省正途人員內揀選調補等因今杭州府為浙省首郡政務極煩且時有發審案件非精明幹練為守兼優之員不足以資治理臣督同藩臬兩司在於通省現任知府內逐加遴選查有金華府知府陳文祿年四十一歲順天大興縣人祖籍湖南祁陽縣由同治庚午科舉人甲戌科進士改翰林院庶吉士散館授職編修補 武英殿總纂官 國史館纂修官 校刊 穆宗毅皇帝聖訓正本完竣保加五品銜 賞戴花翎光緒十年三月 京察帶引 見記名以道府用充補 功臣館纂修官十年五月二十日奉 上諭浙江金華府知府員缺着陳文祿補授欽此十月初八日到任堪以調補杭州府知府據布政使許應傑按察使蕭韶會詳前來臣查陳文祿精明強幹有守有為以之調補杭州府省會要缺知府實堪勝任與例亦符合無仰懇 天恩准予調補以資治理如蒙





大英國欽命駐紮三州府輔政使司 為招商承餉事照得三州府所設之烟酒兩碼將已到期照例先期招商承充本屆餉碼係於西一千八百八十九年正月一號起承辦以三年為期計開 新嘉坡烟酒碼 檳榔嶼烟酒碼 麻六甲烟酒碼以上各碼如入票承充者或一碼或數碼須於英本年九月三號十二點鐘以前將票寄交新嘉坡輔政使司或檳榔嶼麻六甲參政司其票內要書明投票人之姓名住址事業以及担保之人零沽烟價在叻嶼二處每兩最多沽銀二元二角每錢沽銀二角六占在甲甲埠每兩沽銀二元每錢沽銀二角四占在甲山埠則每兩僅沽銀一元七角每錢沽銀一角七占各票或棄或取皆由國家主裁酌量辦理務期利便投票人不得執價高者得之例凡有欲知詳細者可到叻坡輔政使司署或嶼甲二埠參政司署詢問便知一切此示  
大英一千八百八十八年四月七號 大清光緒十四年戊子二月二十六日 示

大英國駐劄芙蓉詩林萬等處地方參政司 為招商承餉事照得芙蓉全境除龍宜宋宜勝爺盧骨三處之外向設有烟土碼酒碼以及賭當二碼今將到期照例先期招商入票承充本屆餉碼係於一千八百八十九年正月一號起承辦以三年為期計開芙蓉全境除龍宜宋宜勝爺盧骨三處地方以外之 烟土碼 此碼每土一粒可抽稅銀六元 酒碼 此碼可以自行造酒發賣並可出牌與別人販賣凡遇載酒進境者除龍宜等三處以外亦可照王家所定之稅則抽稅 賭當兩碼 此二碼須照王家隨時所出之規條而行再字厘巫各碼與以上之碼相同現亦招商入票承充凡有欲知詳細者可到芙蓉參政司署詢問便知抑付信往查亦無不可但各票須於英本年九月三號十二點鐘以前送往詩林萬參政司署或乘或取均由王家定奪不得執價高者得之例先此示明以免後論  
大英一千八百八十八年四月七號 大清光緒十四年二月二十六日 示

大英國駐劄芙蓉詩林萬等處地方參政司 為招商承餉事照得龍宜宋宜勝爺盧骨所設之烟碼賭碼酒碼將已到期照例先期招商入票承充本屆餉碼係於西一千八百八十九年正月一號起承辦以三年為期計開 龍宜 宋宜勝爺 盧骨三處地方烟碼賭當二碼此二碼 須照王家隨時所出之規條而行 酒碼 此碼可以自行造酒發賣並可出牌與別人販賣凡遇載酒進境者亦可照王家所定之稅則抽稅 凡人欲知各碼詳細以及一切埠內各種植家例准自行載烟進埠煮用並可減價買酒等情形可到芙蓉參政司署詢問便知抑付信往查亦無不可但各票須於西本年九月三號十二點鐘以前送往或乘或取均由王家定奪不得執價高者得之例先此示明以免後論  
大英一千八百八十八年四月七號 光緒十四年戊子二月廿六日 示

大英國駐劄芙蓉詩林萬等處地方參政司 為招商承餉事照得本境各餉碼將已到期茲特先期招商入票承充茲將各處餉碼列明於左 一林卯全境賣片烟餉碼 二檳濱 古盧全境賣片烟餉碼 三裕何 嚴冥仄 伊拿全境賣片烟餉碼 凡屬錫廊繳主 國家准其向碼官買烟土每粒價銀二十三元不得賣 四詩里味蘭地境內 鳴盧慢 染寶 礁勝志牛耶巴些等處地方之抽煙土稅餉碼 此碼每土一箱四十粒准抽稅銀二百八十元 五林卯全境賭碼當碼酒碼 六檳濱古盧全境賭碼當碼酒碼 七裕何嚴冥仄伊拿全境賭碼當碼酒碼 八詩釐米蘭地境內鳴盧慢染寶礁勝志牛耶巴些等處地方之賭碼當碼酒碼 凡有欲知各碼詳細者可到麻六甲參政司署或龍宜記釐米蘭地勝卑勝之參政司署詢問便知一切第一二三四四碼分投亦可同投亦可第五六七八四碼亦如之但各票須於英本年九月三號十二點鐘以前送往麻六甲參政司署或乘或取均由 國家定奪不得執價高者得之例先此示明以免後論  
大英一千八百八十八年四月七號 大清光緒十四年二月二十六日 示

輪船行期 ○啟者茲本行之太生輪船業於西本月十一號即華本月初一日由加里吉打展輪准於西本月十九號即華本月初九日禮拜四必能抵叻上落貨訖訖往 香港 汕頭 廈門 淡水 臺灣府 福州 上海等處 貴商如欲配載及搭客者請至本行相酌此佈 大英一千八百八十八年四月十四號 威廉施施實略洋行謹

貴重地段出投 ○啟者茲定于西五月三號即華三月二十三日禮拜四下午二點鐘拍賣地段一區該地坐落加籠橋地方附近傍此係新填地段甚為堅實以之建造棧房貨倉等類甚為合宜且尤勝於丹戎牛等處蓋其地可直陸路前往無須舟楫故也現該地有圖存於本館以備詳君看閱 諸君有合意者請如期 王臨投買是荷 大英一千八百八十八年四月三號 巴越館主謹白

西國醫士佛羅斯配製治病滋補氣血藥水能治肝癆肺癆胃弱飲食停滯心悸多驚四肢酸軟身虛弱酒色過度等症馳名於世二十餘年天下各國講究調養者多經服用屢試屢驗此藥水用玻璃樽裝載其如何功用另行布列一紙用華字印刊每樽附送一張用此藥水者每日服三次俱晨午晚膳後乃服每次用一茶匙以冷水或凍茶一酒杯開服須食一樽之譜方得見効如蒙 光顧請到中國各口岸西人藥房採買其在本坡則各藥房均有發售如欲多買者則請至然里洋行對門之新嘉坡藥房即勞末申藥房內麥加君處選購大樽每樽分作一百二十八服價銀一元半樽每樽分作六十四服價銀一元此佈 大英一千八百八十八年正月十八號 美國紐約佛羅斯公司謹啟

**佛羅斯藥水**

附送一張用此藥水者每日服三次俱晨午晚膳後乃服每次用一茶匙以冷水或凍茶一酒杯開服須食一樽之譜方得見効如蒙 光顧請到中國各口岸西人藥房採買其在本坡則各藥房均有發售如欲多買者則請至然里洋行對門之新嘉坡藥房即勞末申藥房內麥加君處選購大樽每樽分作一百二十八服價銀一元半樽每樽分作六十四服價銀一元此佈 大英一千八百八十八年正月十八號 美國紐約佛羅斯公司謹啟

